



✠ Ad Memoriam autem seu Memorias de aliis pluribus Martyribus, post singulas Antiphonas dicantur singuli Versiculi, ordine infrascripto.

I. V. Lætámini in Dómino, et exsultáte justi. R̄. Et gloriámini omnes recti corde., nisi jam post Hymnum dictus fuerit.

II. V. Exsúltent justi in conspéctu Dei. R̄. Et delectén-
tur in lætítia.

III. V. Justi autem in perpétuum vivent. R̄. Et apud Dóminum est merces eórum.

AD II. VESPERAS.

Super Ps. 
Ant.
vij. toni. JUSTORUM. Ps. 109. Dixit Dóminus Dómino 

me-o : * Sede a dextris me-is :

Donec ponam inimicos tuos, * scabéllum pedum tuórum.

Virgam virtútis tuæ emíttet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante lucíferum genui te.

Jurávit Dóminus, et non pœnitébit eum : * Tu es sacérdos in ætérnum secundum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implébit ruínas : * conquassábit cápita in terra multórum.

De torrén te in via bibet : * proptérea exaltábit caput.

Psalmus 112.

LAUDATE púeri Dómini : * laudáte nomen Dómini.

Sit nomen Dómini benedíctum, * ex hoc nunc, et usque in sæculum.